



## Jannie du Toit

Lirieke van my opnames. Meer te kry op my webblad  
[www.janniedutoit.com](http://www.janniedutoit.com)

### LIG EN DONKER

Musiek: Jannie du Toit  
Teks: Jannie du Toit

Ek kies lig bo die donkerte  
Ek kies 'n giggel bo 'n sug  
Ek kies die stilte bo doefdoef om my ore  
kabbeling ver bo die gedruis van stewels  
want êrens in die stilte en in lig  
is daar vrede

Ek kies 'n haikoe bo 'n toespraak  
Ek kies 'n sprokie bo debat  
Ek glo die goeie sal uiteindelik tot sy reg kom  
Dat eenvoud beter is as duister skemas  
Ek sien die donker  
maar ek kies die lig  
    versamel lig soos jy loop deur die wêreld  
    En deel dit oral uit  
    Steek 'n kers aan – iemand het dit nodig  
    Vermyn die donker – vat die lig

Ek kies 'n kuier bo die TV  
Ek kies my vuurtjie bo 'n spogdinee  
Ek kies teater bo die voortsleep van 'n sepie  
Seegeluide ver bo die geraas van renne  
want êrens in die eenvoud en in deernis  
daal daar vrede  
    Pluk deuntjies soos jy loop deur die wêreld  
    Sing 'n stukkie elke dag  
    Trek 'n skewe bek om iemand te laat glimlag  
    Vergeet die donker – soek die lig

Soek liefde soos jy reis deur woestyne  
Drink dit in en deel dit uit  
Sing dit oor en oor soos liedjies se refreine  
Vermyn die donker – kies die lig

Ek kies lig bo die donkerte  
Ek kies dagbreek bo die nag  
Ek kies my tuin bo die roesemoes van skares  
Rustigheid ver bo trompet-fanfares  
êrens in die stilte en in lig  
Heers die vrede